

ESTEVERIN (Jean), notaire de Villemur, Villemur-sur-Tarn, minutes 1655, f° 263 (v°) & ss., Archives départementales de la Haute-Garonne, cote 3 E 21826 ou 2 Mi 2220, PH/JCHR/8982.

Ramonde testamant

Au nom de dieu soit sçaichent
tous presants et advenir que l() **an mil six cens cinquante cinq** et le **dixiesme** jour du mois d'**aoust** avant midy a **villemur** et dans la **maison de anthoine lala charpantier** dioceze bas montauban et senechaucée de th(ou)l(ous)e regnant nostre tres chrestien prince louis quatorziesme par la grace de dieu roy de france et de navarre pardevant moy no(tai)re royal soubssigne et presans les tesmoins bas nommes, a este en personne **jeanne ramonde famme dudict anthoine lala** laquelle se trouvant indisposee de son corps gisant dans un lict a une chambre de lad(ite) ma(is)on mais par la grace de dieu en son bon sans juge(men)t memoire et cognoissance bien voyant oyant et parlant comme a aparu a moy dict no(tai)re et tesmoins a de son bon gre et franche volonté non seduited induite ny subornée de personne comme a dict dispose de ses biens par son p(rese)nt testament qu'elle a faict et regle comme s()ensuit, aiant ladicte testatrix avant d'entrer en la disp(ositi)on de ses biens implore la bonté divine de luy fere misericorde pour l()amour de jesus christ et par le benefice de sa mort et passion et a declairé sa volonté estre qu'apres son deces son corps soit ensevely

.....

264

au cimettiere dudict villemur en la forme de la religion catholique apostolique et romaine et que ses honneurs funebres soient faites a la discretion de **pierre lala son fils** et legataire cy apres nommé item a donne et legue ladicte testatrix a **vital boulous son fils et de feu anthoine boulous son premier mary** la somme de quarante livres payable trois annees apres le deces dud(it) **anthoine lala son mary** et hoir bas nommé item a donné et legué au susd(it) pierre lala son fils et dud(it) anthoine lala la somme de quarante livres payable une année apres le deces dud(it) anthoine lala item a donné et legué a **anthoine lala son autre fils** et de sondict mary la somme de vingt livres payable une année apres le deces de sondict pere hoir. item /a donné / a **jeanne**

**lala fille dud(it) pierre lala sa petite filhe et
filieule** une coitte et un coissin ramply de plume
quy est a elle demy uzé dont la delivrance luy
en sera faicte après le deces dud(it) lala hoir
et moyenant lesd(its) leguats ladicte testatrix
veut que sesd(its) enfans ne puissent autre chose
demander sur ses biens et en tous et chacuns
les autres biens noms droicts voix et actions
presans et advenir de lad(ite) ramonde testatrix
icelle a nommé et institue pour son hoir
universel et general led(it) anthoine lala son

.....

mary pour d'iceux biens apres le deces
de la testatrix pouvoir jouir et disposer a ses
volontes et ainsy lad(ite) ramonde a faict
son testamant lequel elle a voulu estre
valable par la meilleure forme de droict
et a ces fins a casses et anulles tous testamans
et disp(ositi)ons precedantes sy a pries les tesmoins
d()attester estre siene disp(ositi)on et a moy no(tai)re de luy
en retenir acte concedé es presances de
jean vacquie jean malpel jean tailhefer signes
alexandre blanclou jean cayla jean merle travailleur
dud(it) villemur quy ont dict et lad(ite) testatrix ne sçavoir
et moy no(tai)re requis

Tailhefer, p(rese)nt

Vacquier J. Malpel

Esteverin, n(otaire)